

“Навоийуран” ДКнинг  
2024 йил “\_\_\_” \_\_\_\_ даги  
“\_\_\_”-сон буйруғига  
“\_\_\_”-илова

**“Навоийуран” Давлат корхонасида коррупцияга қарши кураш тизимининг  
ҳолати түгрисидаги ҳисоботни шакллантириш ва тақдим этиш бўйича  
НИЗОМ**

**I-боб. Умумий қоидалар**

1. Мазкур Низом “Навоийуран” Давлат корхонаси (кейинги ўринларда – Корхона деб юритилади)да коррупцияга қарши курашиш тизимининг фаолият юритиши ва коррупцияга қарши тадбирларни амалга ошириши түгрисидаги ҳисобдорликни шакллантириш тартибини белгилайди.

2. Корхонада коррупцияга қарши курашиш тизимининг фаолият юритиши ва ривожланиши масалалари бўйича ҳисоботларни (кейинги ўринларда – Ҳисоботлар) шакллантириш ва тақдим этиш учун маъсулият корхонанинг коррупцияга қарши курашиш комплаенс назорат бўлими ёки масъул ходимлари зиммасида (кейинги ўринларда – комплаенс назорат бўлими) бўлади.

Корхона ва таркибий бўлинмалари ҳисоботни тақдим қилиш учун маъсулият таркибий бўлинмалардаги коррупцияга қарши курашиш назорати учун масъул ходим (кейинги ўринларда – Масъул ходим) зиммасида бўлади.

**II-боб. Ҳисобот турлари ва уни тузиш даврийлиги**

3. Корхонада қўйидаги ҳисобот турлари назарда тутилади:

а) Корхонада коррупцияга қарши курашиш тизимининг фаолият кўрсатиши түгрисидаги, шу жумладан, корхонанинг коррупцияга қарши Дастури ёки йўл харитаси тадбирларини амалга оширилишини бўйича ҳисобот ҳар чоракда комплаенс назорат бўлими томонидан мазкур Низомнинг 3-бобида белгиланган тартибда тузилади;

б) Коррупцияга қарши курашишга оид давлат дастурида режалаштирилган тадбирларни амалга ошириш түгрисидаги ҳисобот ҳар чоракда комплаенс назорат бўлими томонидан мазкур Низомнинг 4-бобида белгиланган тартибда тузилади;

5. Ҳисобот муентазам равишда ушбу Низомда белгиланган тартибда ва муддатларда, корхонада коррупцияга қарши курашиш тизимининг ҳолатидан, шунингдек, ҳисобот даврида коррупцияга қарши тадбирлар ўтказилган ёки йўқлигидан қатъий назар, тузилади.

6. Йилнинг IV чораги учун ҳисобот тузилмайди, унинг ўрнига йиллик ҳисобот тайёрланади.

7. Ҳар чораклик ва ҳар йиллик ҳисобот корхона раҳбарларига топширилади.

Корхонанинг комплаенс назорат бўлими ҳар чоракда, кейинги чорак биринчи ойининг йигирма саккизинчи санасидан кечиктиrmай ҳар чораклик корхонанинг умумий ҳисботини Ўзбекистон Республикаси Коррупцияга қарши курашиш агентлигига (кейинги ўринларда – Агентлик) қўриб чиқиши учун киритиб боради.

8. Корхонанинг йиллик ҳисботидаги умумий ахборот Интернет тармоғидаги расмий веб-сайтида эълон қилинади. Мазкур ахборот корхонанинг комплаенс назорат бўлими томонидан тайёрланади.

### **III-боб. Коррупцияга қарши курашиш тизимининг фаолият кўрсатиши тўғрисида ҳисботни шакллантириш тартиби**

9. Корхонада коррупцияга қарши курашиш тизимининг фаолият кўрсатиши тўғрисидаги ҳисбот коррупцияга қарши курашиш тизими мониторинг ва назорат қилиш, шунингдек, корхонанинг коррупцияга қарши Дастур ёки “Йўл харитаси” тадбирларини амалга оширилишини мониторинг қилиш мақсадида тузилади.

10. Ҳисбот ҳар чоракда комплаенс назорат бўлими томонидан ҳисбот давридан кейинги ойнинг йигирма саккизинчи санасидан кечиктиrmай тузилади ва бош директорга қўриб чиқиш учун топширилади.

11. Ҳисботни шакллантириш қўйидаги тартибда амалга оширилади:

а) ҳисбот давридан кейинги ойнинг унинчи санасидан кечиктиrmай, корхонанинг комплаенс назорат бўлими масъул ходимларга ушбу ойнинг ўттизинчи санасигача тегишли раҳбарлар томонидан тасдиқланган мазкур Низомга 1-иловага мувофиқ ҳисбот тақдим этиши тўғрисида хабарнома юборади;

б) корхонанинг ҳисботи комплаенс назорат бўлими томонидан тузилади ва бош директор томонидан тасдиқланади;

коррупцияга қарши курашиш фаолияти тўғрисидаги ҳисботнинг бирон-бир бўлими бўйича тадбирлар ўtkazilmagan тақдирда, тадбирлар амалга оширилмаганлиги сабабини кўрсатиш лозим.

в) Ҳисботларга киритилган ахборот тегишли хужжатлар нусхалари ва бошқа маълумотларга асосланган бўлиши керак;

г) комплаенс назорат бўлими ушбу Низомга 2-иловада кўрсатилган шаклда корхона тизимида коррупцияга қарши курашиш бўйича тизимнинг фаолият кўрсатиши тўғрисидаги умумий ҳисботни тузади ҳамда қўшимча равища унга ушбу Низомга 1-иловадаги шакл бўйича корхона тизими бўйича тузилган ҳисботдаги маълумотларни киритади.

Ҳисоботда асосий ахборотни ўзида акс эттирган қисқача маълумотнома ва таклифлар бўлиши керак. Йиллик ҳисобот ўз ичига ўтган йилнинг худди шундай кўрсаткичларига эга бўлган солиширма таҳлилни ҳам қамраб олиши керак.

12. Корхона тизимида коррупцияга қарши курашиш тизимининг фаолият кўрсатиши тўғрисидаги ҳисоботни тузишда комплаенс назорат бўлими тегишли бўлинма ходимларидан зарур ҳужжатлар, тушунтириш ва статистикани сўраш ва олиш ҳукуқига эга.

13. Комплаенс назорат бўлими қисқа маълумотнома биректирилган коррупцияга қарши курашиш тизимининг фаолият кўрсатиши тўғрисидаги умумий ҳисоботини ҳисобот давридан кейинги ойнинг йигирма саккизинчи санасигача бош директорга тақдим этади.

#### **IV-боб. Коррупцияга қарши курашга оид давлат дастурларида режалаштирилган тадбирларни амалга ошириш тўғрисидаги ҳисоботни шакллантириш тартиби**

16. Коррупцияга қарши курашишга оид Давлат дастурида (агарда мавжуд бўлса) режалаштирилган тадбирларни амалга ошириш тўғрисидаги ҳисобот ушбу Низомга З-иловага мувофиқ шаклда тузилади.

17. Коррупцияга қарши курашишга оид Давлат дастурида режалаштирилган тадбирларни амалга ошириш тўғрисидаги ҳисобот комплаенс назорат бўлими томонидан корхонада коррупцияга қарши курашиш тизимининг фаолият кўрсатиши тўғрисидаги умумий ҳисобот билан бир вақтда тузилади.

18. Коррупцияга қарши курашиш бўйича Давлат дастурида режалаштирилган тадбирларнинг амалга оширилгани тўғрисидаги ҳисобот бош директор томонидан кўриб чиқилгандан кейин коррупцияга қарши курашиш агентлигига юборилади.

#### **V-боб. Яқуний қоидалар**

19. Ўзбекистон Республикаси қонунчилиги ва корхонанинг ички ҳужжатларга ўзгартиш ва қўшичалар киритилган тақдирда ушбу Низом қайта кўриб чиқилиши лозим.

Низомга ўзгартириш ва қўшимчалар киритишга корхонадаги комплаенс назорат бўлими маъсул бўлади.

“Навоийуран” Давлат корхонасида коррупцияга  
 қарши кураши тизимининг ҳолати тўғрисидаги  
 ҳисоботни шакллантириши ва тақдим этиши  
 бўйича Низомига  
 I-илова

## **Корхонада коррупцияга қарши курашиш тизимининг фаолият кўрсатиши тўғрисида ҳисобот**

<b>Ташкилот номи:</b>	
<b>Ҳисоботни тайёрлаган ходим (Коррупцияга қарши курашиш учун маъсуллар):</b>	Ф.И.Ш., лавозими, тузилмаси
<b>Ҳисобот даври:</b>	
<b>Ҳисобот тайёрланган сана:</b>	

T/p	Тадбирлар гурухининг номлари	Тадбирларнинг номлари	Бажариш муддати	Маъсул ижрочиilar	Ижро тўғрисида белги	Ижро этилмаган бўлса, ижро этилиши кутилаётган муддат	Бажарилганикни тасдиқлаш, бажарилмаган бўлса сабаблари

T/p	Тадбир	Натижалар
<b>I. Сиёсатлар ва тартиб-таомиллар</b>		
1.	Ички хужжатларни мослаштириш	Корхонада ҳисобот даври учун мослаштирилган коррупциявий хавф-хатарларни камайтириш бўйича чоралар ёки коррупцияга қарши курашишга оид тартиб-таомилларга эга бўлган ички хужжатларни (сиёсатлар, регламентлар, стандартлар, йўриқномалар ва ш.к.) кўрсатиш зарур.
2.	Хавф-хатарли вазифа ва тартиб-таомиллар кесимида коррупциявий хавф-хатарларни камайтиришга оид янги коррупцияга қарши тартиб-таомиллар ва чоралар ҳамда коррупцияга қарши масалаларни тартибга солувчи ички хужжатларни ишлаб чиқиши.	Ҳисобот даврида ишлаб чиқилган ва тасдиқланган коррупцияга қарши курашиш соҳасига киритилган соҳаларни тартибга солувчи ички хужжатларни (сиёсатлар, регламентлар, стандартлар, йўриқномалар ва ш.к.) кўрсатиш зарур.

## **II. Шахсий намуна**

3.	Бош директор ва унинг ўринбосарларининг ички тадбирлардаги чиқишилари (нутқи).	3-6-бандларда Корхона тизими раҳбарлари ва уларнинг ўринбосарларининг қонунчилик талабларига риоя қилиш, коррупцияга нисбатан муросасиз бўлиш, таркибий бўлинмада белгиланган коррупцияга қарши назорат ва тартибтаомилларга амал қилишининг муҳимлиги тўғрисидаги позицияси, фикр мулоҳазалари очик эътироф этилган тадбирларни кўрсатиш лозим.
4.	Коррупцияга қарши курашиш масалалари бўйича ички коммуникацияни тарқатиш (бош директор ва унинг ўринбосарларининг номидан).	
5.	Бош директор ва унинг ўринбосарларининг ОАВдаги фикр-мулоҳазалари.	

## **III. Хавф-хатарларни баҳолаш**

6.	Корхонада коррупциявий хавф-хатарлар бўйича ҳар йиллик баҳолаш ўтказиш	Ҳа ўтказилган\йўқ ўтказилмаган (сабаблари кўрсатилади) \ жараёнда (қайси босқичдалиги кўрсатилади)
7.	Ҳисобот даври учун корхонада иш жараёнда янги аниқланган коррупциявий хавф-хатарларни баҳолаш ва уларнинг даражалари (юқори, ўрта, паст).	Янги коррупциявий хавф-хатарлар қайси жараёнларда аниқланганлиги, уларнинг даражаси санаб ўтилади. Қандай коррупциявий хавф-хатарлар қайта баҳоланди, янги даражা, баҳони ўзгаририш сабаблари ва коррупциявий хавф-хатарларни камайтириш бўйича таклифлар. Корхонанинг коррупциявий хавф-хатарлар харитаси илова қилинади.
8.	Ҳисобот даврида аниқланган коррупциявий хавф-хатарларни тартибга солиш бўйича амалга оширилган тадбирлар	
9.	Қолдиқ коррупциявий хавф-хатар юқори бўлган аниқланган коррупциявий хавф-хатарлар сони	Қолдиқ таваккал юқори бўлган коррупциявий хавф-хатарларнинг фоиздаги нисбати кўрсатилади
10.	Қолдиқ коррупциявий хавф-хатар ўрта ва ундан паст даражагача камайтирилган аниқланган коррупциявий хавф-хатарлар сони	Қолдиқ коррупциявий хавф-хатарлар ўрта ва ундан паст даражагача камайтирилган коррупциявий хавф-хатарлар умумий сонига фоиздаги нисбатини кўрсатиш зарур.

## **IV. Коррупцияга қарши амалга ошириладиган тартиб-таомиллар**

11.	Корхонада аниқланган манфаатлар тўқнашуви ҳолатлари ва қабул қилинган чоралар	Корхонада аниқланган манфаатлар тўқнашуви ҳолатларининг сонини кўрсатиш ёки аниқланган манфаатлар тўқнашуви ҳолатлари реестрини илова қилиш зарур.
12.	Ходимлар томонидан ҳар йили манфаатлар тўқнашувини декларация қилиш.	Ҳар йиллик манфаатлар тўқнашувини декларациялаш тартиб-таомилларидан ўтган ходимларнинг ташкилотдаги умумий ходимлар сонига фоизлардаги нисбатини кўрсатиш зарур.

		Ҳар йили манфаатлар тўқнашуви декларациясини амалга ошириши шарт бўлган манфаатлар тўқнашувини декларациялаш тартиб-таомилларидан ўтган ходимларнинг ташкилотдаги умумий ходимлар сонига фоизлардаги нисбатини кўрсатиш зарур.
13.	Ишга олинган ходимлар ва номзодлар устидан ўtkазилган текширувлар сони.	Корхонага ишга қабул қилинган ходимлар сонини ва корхонадаги лавозимга номзодлар текшируви сонини кўрсатиш зарур. Текширув ўtkазилмаган бўлса сабабини кўрсатиш зарур.
14.	Ҳисобот даврида ўtkazилган контрагентлар текширувлари сони	Ҳисобот даврида ўtkazилган контрагентлар текширувлари сонини, текширувлар натижалари бўйича ижобий ва салбий хуносаларнинг фоизлардаги нисбатини кўрсатиш зарур. Текширув ўtkазилмаган бўлса сабабини кўрсатиш зарур.
15.	Амалга ошириладиган бошқа коррупцияга қарши тартиб-таомиллар	Мавжуд бўлганда ушбу бўлимда кўрсатилмаган бошқа амалга ошириладиган коррупцияга қарши тадбирларни кўрсатиш.
<b>V. Таълим ва коммуникация</b>		
16.	Коррупцияга қарши курашиш масалалари бўйича тренинглар ўtkaziш: барча ходимлар учун; коррупциявий таваккалчиликка энг кўпроқ мойлилик эҳтимоли бўлган вазифаларни бажарувчи бўлинмалар учун.	Тренинглар тури ва шакли, ўқитилган ходимлар сони, уларнинг лавозимлари даражаси ва бўлинмаларни кўрсатиш.
17.	Корхонага яқинда ишга олинган ходимлар учун тренинглар ўtkaziш.	Коррупцияга қарши курашиш масалалари бўйича тренинглардан (умумий, танишув) ўтган янги ходимларни умумий янги ходимлар сонига фоизлардаги нисбати тренинглар мавзууси кесимида кўрсатиш.
18.	Ходимларнинг коррупцияга қарши қонунчилик талаблари ва бўлинмада амалга оширилаётган коррупцияга қарши чоралардан хабардорлигини оширишга оид бошқа тадбирлар	Тадбир иштироқчиларнинг мақсадли гурухини, уларни сони (имкони бўлса), мавзууси ва турини (масалан, танловлар, викториналар, сўровномалар ва б. кўрсатилади) ва унинг якунларини кўрсатиш.
19.	Коррупцияга қарши кураш учун маъсуллар томонидан бажарилган коррупцияга қарши кураш меъёрлари мавзуусида ахборот-тарқатма материаллари.	Коррупцияга қарши талаблар ва тартиб-таомилларга амал қилиш зарурияти тўғрисидаги, шу жумладан, уларнинг тўғри талқин қилиниши ва уларга тўғри амал қилиш тўғрисидаги хабарнома ва бошқа тарқатма материаллар.
20.	Ходимларнининг аҳлоқ-одоб маданиятини шакллантириш, уларни коррупцияга қарши кураш тизими ва коррупцияга қарши қонунчиликнинг талаблари хақида хабардор қилишнинг бошқа усувлари.	Масалан, бинолардаги ахборот плакатлари ва бошқа материаллар, скринсаерлар, ишчи компьютерлар экранига қўйиладиган суратлар ва бошқалар.

21.	Фуқаролик жамияти ва бўлинма контрагентлари учун коррупцияга қарши тадбирларни ўтказиш	Фуқаролик жамияти вакиллари учун коррупцияга қарши тадбирларни ўтказишнинг сони, номланиши, моҳияти ва натижаларини кўрсатиш (масалан, коррупцияга қарши кураш куни, коррупцияга қарши мавзудаги ишлар танлови). Шартномаларига коррупцияга қарши қўшимча шартлар киритилган янги контрагентларнинг янги контрагентларнинг умумий сонига фоизлардаги нисбати.
-----	--	---

## **VI. Коррупциявий хатти-харакалар ва қоидабузарликлар тўғрисидаги хабарлар. Таъсир чоралари**

22.	Хатти-харакатлар, шу жумладан, потенсиал хатти-харакатлар учун алоқа каналларига келиб тушган хабарлар сони	Хабарлар сонини қўйидаги маълумотларни ҳам киритган ҳолда кўрсатиш: келиб тушган санаси келиб тушган алоқа канали, хабар мавзуси, тегишли ҳисоботни илова қилиш.
23.	Хизмат текшируви ўтказилган; Коррупцияга қарши қонунчилик бузилганлиги тўғрисида тасдиқланган ҳолатлар (шу жумладан, меъёрий-хуқуқий ҳужжатлар ва мақолалар кесимида) аниқланган; Бўлинмада белгиланган коррупцияга қарши назорат ва тартиб-таомилларнинг бузилиш ҳолатлари аниқланган (шу жумладан, ички ҳужжатлар кесимида); Айборлар аниқланган ҳолатлар сони.	Ҳар бир банд бўйича ҳолатлар сонини кўрсатиш.
24.	Қабул қилинган таъсир чоралари.	Қандай коррексиялаш чоралари, шу жумладан, интизомий чоралар, назорат тизимида қандай камчиликлар аниқланди ва назоратни кучайтириш учун қандай чоралар таклиф қилинди.

## **VII. Мониторинг ва назорат**

25.	Ҳисобот даврида мавжуд коррупцияга қарши курашиш талаблари, назорат тадбирлари ва тартиб-таомиллар бажарилиши устидан текширувлар ўтказилганлиги	Корхонада коррупцияга қарши кураш бўйича масъуллар томонидан ўтказилган текшируv тадбирларини, шу жумладан, уларнинг сонини қўйидаги кесимда кўrсатиш. Текшируv обьектлари (бошқарма, бўлим ва бўлинмалари); Текшируv мавзуси (масадан, харидлар, кадрлар); Текшируv тадбирлари тури (аудит, таваккал транзакциялари мониторинги ёки процедуралари ва б.); Текшируv тадбирлари характери (режали, режадан ташқари).
26.	Бўлинмада белгиланган назорат тадбирлари ва тартиб-таомиллар бузилиш ҳолатлари аниқланганми ва уларга нисбатан қўлланилган таъсир чоралари?	Қайси тартиб-таомил ёки вазифани бажаришда қандай қоидабузарликлар аниқланган? Аниқланган ҳолатлар сонини кўrсатиш. Вазифа ва тартиб-таомилларни бажарувчи шахслар учун қандай тавсиялар тайёрланган. Улар қандай расмийлаштирилган (масалан, буйруқ ёки бошқа ички ҳужжатлар)?

**Хулосалар:** Тизимда коррупцияга қарши чораларни амалга оширишнинг асосий натижаларини кўрсатиш, коррупцияга қарши курашиш тизими ҳолатига умумий баҳо бериш, зарурият туғилганда аввалги даврлар қўрсаткичлари билан таққослама таҳлил ўтказиш, қониқарли натижаларга эришганлик ёки эришмаганлик сабабларини кўрсатиш зарур.

Коррупцияга қарши курашиш тизимини янада ривожлантириш бўйича таклифлар ва коррекцияловчи тадбирлар режаси: келгуси ҳисобот даврида ҳисобдорликнинг алоҳида элементларини яхшилаш имконини берувчи асосий тадбирларни кўрсатиш зарур.

“Навоийурган” Давлат корхонасида коррупцияга  
қарши кураши тизимининг ҳолати тўғрисидаги  
ҳисоботни шакллантириши ва тақдим  
этими бўйича Низомига  
2-илова

**Корхонада коррупцияга қарши курашиш тизимининг фаолият кўрсатиши  
тўғрисида 202 \_\_\_\_ йил \_\_\_\_ чи чорак учун  
УМУМИЙ ҲИСОБОТ**

**I. Корхонанинг коррупцияга қарши чора-тадбирлар дастури  
бажарилгани тўғрисида умумий ахборот<sup>1</sup>**

Корхона томонидан коррупцияга қарши курашиш тадбирларнинг амалга оширилгани тўғрисидаги қисқа маълумот, шу жумладан корхона ҳамда бошқарма, ҳудудий ва таркибий бўлинмалар кесимида коррупцияга қарши курашиш тадбирларини амалга оширган бўлинмалар сонини кўрсатиш зарур;

Таркибий бўлинмалар кесимида коррупцияга қарши курашиш тадбирларни амалга оширган бўлинмалар кўрсатилади, шунингдек, ҳисботга иловада уларнинг номи, амалга оширилмаган тадбирлар ва қисқача-асосий сабабларини алоҳида кўрсатиш лозим.

**II. Сиёsat ва тартиб-таомиллар**

Коррупцияга қарши курашиш бўйича соҳаларни тартибга солувчи, ва ҳисбот даврида корхона ҳамда бошқарма, ҳудудий ва таркибий бўлинмалар кесимида татбиқ этилган коррупцияга қарши кураш соҳасига тааллуқли бўлган норматив-хуқуқий ва ички ҳужжатлар (сиёsatлар, регламентлар, стандартлар, ўйриқномалар ва шу кабилар)ни кўрсатиш лозим.

**III. Хавф-хатарларни баҳолаш<sup>2</sup>**

Корхона томонидан хавф-хатарларни баҳолаш амалга оширилганлиги тўғрисидаги ахборот, шу жумладан, коррупциявий хавф-хатарларни баҳолашни амалга оширган ва ўзларининг коррупциявий хавф-хатарлар матрицасини янгилаган корхона ҳамда бошқарма, ҳудудий ва таркибий бўлинмалар кесимида кўрсатиш керак;

---

<sup>1</sup>Ушбу бўлимда ва кейинги ўринларда ҳисботнинг ҳар бир бўлими бўйича куйидагиларни кўрсатиш керак:

- Бирлашган кўрининища корхона ҳамда бошқарма, ҳудудий ва таркибий бўлинмалар кесимида ҳисбот даври учун маълумотлар. Агар зарурият бўлса, алоҳида бўлинмалар ва улар бўйича маълумотларни кўрсатиш;
- Зарурият туғилганда аввалги даврлар кўрсаткичлари билан солиштирма тахлил ўtkазиш, қоникарли натижаларга эришганлик/эришмаганлик сабабларини кўрсатиш лозим.

<sup>2</sup> Бўлим факат ҳар йиллик ҳисбот даврида тўлдирилади. Мазкур бўлимда корхона тизимида коррупциявий хавф-хатарни баҳолашни ўтказиш услубиётига мувофиқ амалга оширилган хавф-хатарларни баҳолаш натижалари бўйича тахлилий ахборот акс эттирилади.

Коррупциявий хавф-хатарларни баҳолашни амалга оширган ҳудудий ва таркибий бўлинмалари сони вилоятлар, корхонанинг таркибий бўлинмалари кесимида кўрсатилади, шунингдек, ҳисоботга иловада уларнинг номи ва уларнинг бажарилмаганлиги сабаблари қисқача кўрсатилади;

Баҳолаш жараёнида янги аниқланган коррупциявий хавф-хатарлар корхона ҳамда бошқарма, ва таркибий бўлинмалари кесимида кўрсатилади. Шунингдек, ҳисбот даврида аниқланган коррупциявий хавф-хатарларни бошқариш бўйича таклиф этилган ва амалга оширилган тадбирлар қайд этилади;

Коррупциявий хавф-хатарларнинг тоифалар бўйича нисбати (юқори, ўрта, паст) таркибий бўлинмалари кесимида кўрсатилади;

Таркибий бўлинмалар кесимида корхона учун юқори бўлган қолдиқ коррупциявий хавф-хатарлар, шунингдек, кўрсатилган коррупциявий хавф-хатарларни камайтириш учун таклиф этилаётган тадбирларни кўрсатиш лозим (мавжуд бўлган тақдирда).

#### **IV. Амалга ошириладиган коррупцияга қарши курашиш тартиб-таомиллар. Манфаатлар тўқнашувини тартибга солиши**

Манфаатлар тўқнашуви декларацияланган ва тартибга солинган ҳолатлари сони, шу жумладан, ишга қабул қилиш, ҳар йиллик декларациялаш жараёнида<sup>3</sup> (мавжуд бўлган тақдирда), корхона ҳамда бошқарма, таркибий бўлинмалар кесимида кўрсатилади;

корхонада манфаатлар тўқнашуви, корхона ҳамда бошқарма ва таркибий бўлинмалари кесимида манфаатлар тўқнашувининг йиллик декларацияси тартиб-таомилларидан ўтган ходимларнинг умумий ходимлар сонига фоизлардаги нисбати, шунингдек, декларацияланган ва тартибга солинган манфаатлар тўқнашуви ҳолатлари қайд этилади;

корхона бўйича режалаштирилган манфаатлар тўқнашувининг ҳар йиллик декларацияланадиган манфаатлар тўқнашувига нисбатан қўрсаткичлари бажарилмаган ҳудудий ва таркибий бўлинмалари кесимида таҳлилий маълумотларни келтириш керак (масалан, манфаатлар тўқнашувини барча раҳбарлар декларациялаши лозим, амалда эса фақат эллик фоизигина раҳбар буни бажарган);<sup>4</sup>

Таркибий бўлинмалари кесимида корхона тизимида аниқланган манфаатлар тўқнашуви ва қабул қилинган чоралар бўйича, шу жумладан, умумий сони ва тоифалар кесимида (масалан, ҳарид тартиб-таомилларидағи, иши бўйича бевосита бўйсунниш натижасида ва шу кабиларда) таҳлилий маълумотларни келтириш лозим.

<sup>3</sup> Манфаатлар тўқнашувини декларация килиш ҳисбот даврида бажарилган бўлсагина ахборот тўлдирилади.

<sup>4</sup> Ахборот факат йиллик ҳисботда тўлдирилади.

## **Коррупцияга қарши қоидаларни корхона шартномалариға киритиш**

Коррупцияга қарши қоидаларни корхонанинг хўжалик шартномалариға (шартномаларнинг фоизли нисбати) киритиш бўйича, шу жумладан корхона ҳамда бошқарма, худудий ва таркибий бўлинмалари кесимида контрагентлар таҳририда таҳлилий маълумотларни келтириш, контрагентларнинг коррупцияга қарши қоидаларни шартномаларга киритишни рад этиш сабабларини кўрсатиш;

корхона ҳамда бошқарма ва таркибий бўлинмалари кесимида корхона тизимида контрагент томонидан коррупцияга қарши қоидалар бузилиши сабабли шартномаларни бекор қилиш бўйича таҳлилий маълумотларни кўрсатиш.

## **Контрагентларни текшириш**

Ҳисобот даврида контрагентлар бўйича ўтказилган текширувлар сони, ижобий ва салбий хулосаларнинг фоизлардаги нисбати корхона ҳамда бошқарма ва таркибий бўлинмалар кесимида кўрсатилади.

## **Ишга номзодларни текшириш**

Корхона ҳамда бошқарма ва таркибий бўлинмалари кесимида, корхона тизимида ишга кириш учун номзодлар устидан ўтказилган текширувлар сонини кўрсатилади.

## **V. Таълим ва коммуникация**

Корхонада коррупцияга қарши курашиш масалалари бўйича ўқитишининг натижаларини корхона ҳамда бошқарма ва таркибий бўлинмалари кесимида: ўқитилган ходимларнинг фоиздаги нисбати, таълим шакли (бевосита/онлайн) кўрсатилади;

корхона ҳамда бошқарма ва таркибий бўлинмалари кесимида корхона тизими бўйича ўқитиш даражаси паст бўлган коррупцияга қарши кўнікмаларга оид ахборот кўрсатилади (режалаштирилган кўрсаткичларга таққосланган ҳолда);

корхонада коррупцияга қарши курашиш масалалари бўйича коммуникация турлари ва сонини ва таркибий бўлинмалари кесимида (масалан, тарқатмалар, коррупцияга қарши курашиш масалалари бўйича сўровномалар ўтказиш) кўрсатилади;

Бўлимда, шунингдек, корхона тизимида ўтказилган кенг кўламли алоҳида тадбирларни ажратиб кўрсатиш мумкин.

## **VI. Коррупциявий хатти-харакатлар ва ҳуқуқбузарликлар тўрисидаги хабарлар**

Ҳисобот даврида ходимларнинг коррупциявий хатти-харакатлари, манфаатлар тўқнашуви, коррупцияга қарши бошқа қонунбузарликлар билан боғлиқ масалалар тўғрисидаги алоқа каналлари орқали келиб тушган хабарлар корхона ҳамда бошқарма ва таркибий бўлинмалари кесимида кўрсатилади;

Мансаб вазифалари ва тартиб-таомиллар кесимида олинган таҳлилий маълумотлар (масалан, харидлар жараёнида, кадрларни ишга қабул қилиш билан боғлиқ тартиб-таомилларда) келтирилади;

Олинган хабарлар бўйича таҳлилий маълумотлар қоидабузарликлар кесимида келтирилади (масалан, коррупциявий хатти-харакатлар, манфаатлар тўқнашуви, келишув тартиб-таомилларини бузиш ва бошқалар);

Олинган хабарлар бўйича таҳлилий маълумотлар алоқа каналлари кесимида келтирилади (масалан, ишонч телефони, бевосита хабар бериш ва бошқалар).

## **VII. Мониторинг ва назорат<sup>5</sup>**

Корхона ҳамда бошқарма ва таркибий бўлинмалари кесимида ҳисбот даврида корхона тизими томонидан мавжуд коррупцияга қарши талаблар, назорат тадбирлари ва тартиб-таомилларнинг бажарилгани тўғрисидаги таҳлилий маълумотлар келтирилади, шу жумладан, текширувлар ўтказилган, шунингдек, текширув ўтказилган вазифалар ва тартиб-таомилларининг даврийлиги ва характеристи тўғрисидаги таҳлилий маълумотлар (режадаги, режадан ташқари) кўрсатилади;

Таркибий бўлинмалари кесимида текширувлар ўтказилмаган бўлинмалар сони алоҳида кўрсатилади, иловада уларнинг номи ҳамда текширувлар ўтказилмаганлигининг асосий сабаблари қисқача қайд этилади;

Ўтказилган текширувлар натижалари тўғрисидаги умумий ахборот кўрсатилади, шу жумладан, ижобий ва салбий хуносаларнинг фоизлардаги нисбати қайд этилади. Қоидабузарликлар мавжуд бўлса, мазкур ҳисботнинг VIII бўлимга ҳавола берилади.

## **VIII. Аниқланган қоидабузарликлар ва уларга таъсир чоралари**

Корхонада коррупцияга қарши курашиш тўғрисидаги талабларнинг бузилганини тўғрисида корхона ҳамда бошқарма ва таркибий бўлинмалари кесимида таҳлилий маълумотларни кўрсатилади, шу жумладан:

қоидабузарликларнинг умумий сони;

<sup>5</sup> Корхонада ҳисбот даврида Коррупцияга қарши процедураларига риоя қилинишини мониторинг ва назорат қилиш методикасига мувофиқ ўтказилган тадбирлар якунлари бўйча умумий таҳлилий ахборот акс эттирилади.

қоидабузарликларнинг қоидабузарликлар тўғрисидаги ахборот манбалари бўйича тузилмаси (“ишонч телефони”, бевосита хабар бериш, мониторинг ва назорат натижалари ва бошқалар);

корхона ички ҳужжатларида назарда тутилган вазифалар ва тартибтаомиллар бўйича (харидлар, кадрларга оид масалалар ва б.) қоидабузарликлар тузилмаси.

Корхонада қабул қилинган таъсир чоралари тўғрисида таҳлилий маълумотларни худудий ва таркибий бўлинмалари кесимида кўрсатиш, шу жумладан:

Ўтказилган умумий тадбирлар сони ва аниқланган барча қоидабузарликлар бўйича таъсир чоралар кўрилганлиги ёки кўрилмаганлиги;

таъсир чоралари турлари бўйича таҳлилий маълумотлар (айборларни жавобгарликка тортиш, шу жумладан, жавобгарлик турлари кесимида; корхона тизими жараён ва ички ҳужжатларига ўзгартишлар киритиш ва бошқалар), шу жумладан, зарур бўлган ҳолда қоидабузарликка йўл қўймаслик бўйича қандай тадбирларни татбиқ этиш таклиф этилмоқда ва ҳисобот даврида қандай тадбирлар татбиқ этилганлиги кўрсатилади.

## **IX. Хулосалар**

Корхона тизимида ва таркибий бўлинмалари кесимида коррупцияга қарши чораларни амалга оширишнинг асосий натижалари кўрсатилади, коррупцияга қарши курашиш тизимининг ҳолатига умумий баҳо берилади. Заруриятга кўра аввалги даврлардаги кўрсаткичлар билан таққослама таҳлил ўтказилади, қониқарли натижаларга эришганлик ёки эришмаганлик сабабларини қайд этилади.

## **X. Коррупцияга қарши кураш тизимини янада ривожлантириш бўйича таклифлар ва тадбирлар режаси**

Кейинги ҳисобот даврида корхона тизимида коррупцияга қарши курашиш тизимининг алоҳида кўрсаткичларни корхона ҳамда бошқарма, худудий ва таркибий бўлинмалар кесимида яхшилаш имконини берувчи асосий тадбирлар кўрсатилади.

*“Навоийурон” Давлат корхонада коррупцияга  
қарши кураши тизимининг ҳолати тўғрисидаги  
ҳисоботни шакллантириш ва тақдим этиши  
бўйича Низомига З-илова*

**Коррупцияга қарши курашиш бўйича давлат дастурида режалаштирилган  
тадбирларни амалга ошириш тўғрисидаги  
ҲИСОБОТ**

T/p	Тадбирлар номи	Бажариш муддати	Амалга оширилган чоралар